

2011 gaa-akiiwang ji-onashowaadeg ingiwe gaa-gii-mooshka'ogowaad ji-diba'amawindwaa

Awiya Pinaymootang, Gaa-giishkikamigaang, zhigwa Obashkodeyaang gemaa Iskatewizibiing wenjiiwaad apii gaa-mooshka'ogowaad 2011 gaa-akiiwang maagizhaa giga-dagose imaa onaakonigewining

WINNIPEG, Oct. 16, 2017 /CNW/ -

Onashowebii'igewin

Onashowewin ogii-onaakonaanaawaa' gakina ingiwe gaa-gii-mooshka'ogowaad ji-oko-onashowaadamowaad apiich wiin bebakaan endashiwaad ji-onashowaadamowaapan.

Giizhaakonigewin

Owe onashowebii'igewin gii-giizhaakonigaade. Onjida dash ji-giizhaakonigebii'igaadeg jibwaa diba'amawindwaaban ingi gaa-gii-mooshka'ogowaad. Giishpin gagetin giizhaakonigaadeg, da-wiindamaagem aaniin ji-izhichigengiban ji-diba'amaading iwe onji.

Iwe **Giizhaakonigewin Ji-gikenjigaadeg** da-wiindamaagem **January 12, 2018** 10:00 am izhiseg imaa Onashowewigamigong Law Courts, 408 York Avenue, Winnipeg, Manitoba.

Giizhaakonigewin Ezhising

Aana-gii-inendanzigwaa gii-banichigewaad, Manitoba akiikaaning zhigwa Canada gichi-ogimaawin da-diba'igewag **\$90,283,000.00**. Diba'igaade gaye naadamaagewiniwag gaa-gii-wiiji'iwewaad dago gaye diba'igaadegin ozhibii'igewinan.

Gakina imaa onji Pinaymootang, Gaa-giishkikamigaang, Obashkodeyaang zhigwa Iskatewizibiing wenjiiwaad imaa ishkoniiganing Manitoba akiikaaning 2011 gaa-akiiwang, da-mooshkinebii'igewag ji-diba'amawindwaa ji-maajigoziwaad, ji-meshkwajitwaawaad gaye.

Zagakibii'igaade aaniin endashiwaad ji-diba'amawindwaaban, gaawin megwaa gikendaagosinon aaniin minik endashiwaad ge-diba'amawindwaaban.

Apii ge-gikenjigaadeg aanapii ge-diba'amaading imaa Giizhaakonigewining da-wiindamaagem apii gagetin giizhaakonigaadeg onashowewigamigong onji.

Aaniin ji-izhichigeyan:

Aaniin megwaa ge-doodamamban

Gegoon doodangen **Dagwiin imaa onashowewing. Wiijiwen imaa onashowewining, giishin giizhaakonigaadeg, gibagidinaan gashki'ewiziwinan.**

Gegoon izhichigesivan, onjida ji-dagwiyan imaa onashowewining, gaawin idash gidaa-gashkitoosin ji-onashowaanadwaa awiya gaa-gii-mooshka'ogowan.

Dagwiyan imaa onashowewining, gidaa-ayaan gegoon ji-ikidoyamban onashowewigamigong giishpin

inaakonigeng. Giishpin gegoon noonde-ikidoyan, “ozhibii’an” izhinizha’amaw gaa-niigaaniid ozhibii’igewining, jibwaa **November 30, 2017** izhiseg.

("Opt Out") Ji-dagwiisiwan onashowewining (dagwiisiwan), gaawiin gegoon giga-diba’amaagoosii onashowewining. Gidaa-gashkitoon idash ji-onashowaadaman ayinaakonigeng onashowewining (**onjida ji-ganawaabanjigaadeg aaniin apii gegoon ge-izhichigeng**).

Ji-zaagibii’idizoyamban (dagwiisiwan) imaa onashowewining, onaakonigaadeg idash wiin, onjida ji-mooshkinebii’aman ‘dagwiisiwan’ mazina’igan gaa-niigaaniid ozhibii’igewining jibwa **November 30, 2017 ge-akiwang**.

2011 Manitoba Flood Class Action

**PO Box 4454, Toronto Station A,
25 The Esplanade
Toronto, ON M5W 4B1**

Geyaabi Ji-gikenjigaadeg

Gaawiin onashowewigamig oga-nakwetanziin gegoon owe enaakonigaadeg. Giishpin gegoon ayaaman noonde-gikendaman owe onashowebii’igewin gemaa giizhaakonigewin, gidaa-gikendaan imaa onji gaa-niigaanishkamowaad naadamaagewininiwag imaa:

Website:	<u>McKenzie Lake Lawyers LLP</u> www.mckenzielake.com	<u>Troniak Law</u> www.Troniaklaw.com
Email:	manitobaflood@mckenzielake.com	troniaklawoffice@gmail.com
Phone:	1.844.672.5666	1.877.947.1743

Apii Gechi-inenaagwakin

Dagwiisiwan Booniseg: November 30, 2017

Ekidong Booniseg: November 30, 2017

Giizhaakonigeng Wiindamaading: November 30, 2017

SOURCE McKenzie Lake Lawyers
